



55. Körfuknattleiksping | 25. mars 2023

Pingskjal nr. 1 – Tillaga um breytingu á lögum KKÍ

Lög Körfuknattleikssambands Íslands

[...]

17. gr. – Skipulag stjórnar KKÍ

Stjórn KKÍ skal skipuð tíu mönnum að formanni meðtöldum. Stjórn KKÍ fer með æðsta vald í málefnum sambandsins milli þinga.

Stjórnin skiptir með sér verkum að tillögu formanns. Skipa skal fyrsta og annan varaformann úr hópi stjórnarmanna, ásamt gjaldkera. Formaður KKÍ boðar stjórnarfundi og annast fundarstjórn. Fundir stjórnar KKÍ skulu haldnir eigi sjaldnar en annan hvern mánuð. Óski minnst þrjú stjórnarmenn eftir stjórnarfundi skal til hans boðað eigi síðar en sjö dögum eftir að ósk þar að lútandi hefur verið borin fram.

Þeir sem hyggjast gefa kost á sér til setu í stjórn KKÍ skulu tilkynna það til kjörnefndar KKÍ eigi síðar en þremur vikum fyrir Körfuknattleiksping. Berist ekki framboð fyrir þann tíma skal kjörnefnd hlutast til um tilnefningu aðila til stjórnarkjörs á ársþingi.

~~Stjórn KKÍ er heimilt að ráða launað starfsfólk, m.a. framkvæmdastjóra og skal stjórnin setja honum starfslýsingu.~~

Stjórn KKÍ skal ráða framkvæmdastjóra. Framkvæmdastjóri má ekki jafnframt sitja í stjórn sambandsins.

Stjórn félags er ekki heimilt að reikna sér, endurskoðendum, skoðunarmönnum, trúnaðarmönnum úr hópi félagsmanna, framkvæmdastjórum eða öðrum sem fara með stjórnunarstörf hærra endurgjald fyrir störf hjá félaginu en venjulegt er eftir eðli og umfangi starfanna.

Reikningsár KKÍ skal vera almanaksárið.

20. gr. – Formaður KKÍ

Formaður KKÍ er, ásamt framkvæmdastjóra, málsvari sambandsins og ber ásamt stjórn ábyrgð á framkvæmd stefnumála, stefnumótunar og samþykkt ársþings. Formaðurinn skal kappkosta að ávallt séu sem best tengsl og samstarf milli sambandsins og aðildarféлага.

Vísað til: Allsherjarnefndar Fjárhagsnefndar Laga- og leikreglnanefndar
Afgreitt: Samþykkt óbreytt Samþykkt með breytingum Felld



55. Körfuknattleiksþing | 25. mars 2023

Þingskjal nr. 1 – Tillaga um breytingu á lögum KKÍ

Formaður KKÍ annast samskipti við körfuknattleikssambönd annarra ríkja og álfusambönd. Hann kemur fram fyrir hönd KKÍ á alþjóðavettvangi og gagnvart FIBA.

Formaður KKÍ ber ábyrgð á samskiptum sambandsins við ríki, sveitarfélög, önnur sérsambönd og ÍSÍ.

Formaður KKÍ fær greitt fyrir störf sín og eru kjör ákveðin og samþykkt af stjórn KKÍ.

21. grein – Framkvæmdastjóri KKÍ

~~Stjórn KKÍ er heimilt að ráða framkvæmdastjóra sem er, ásamt formanni, málsvari sambandsins. Skal hann annast daglegan rekstur sambandsins og framfylgja stefnu stjórnar. Framkvæmdastjóri skal hafa prókúru fyrir sambandið og er yfirmaður starfsmanna sem ráðnir eru til sambandsins.~~

~~Daglegur rekstur tekur ekki til ráðstafana sem eru óvenjulegar eða mikils háttar. Slíkar ráðstafanir getur framkvæmdastjóri aðeins gert samkvæmt sérstakri heimild frá stjórn.~~

~~Framkvæmdastjóri skal uppfylla sömu hæfisskilyrði og stjórnarmenn, sbr. 18. gr. Allar meiriháttar skuldbindingar af hálfu KKÍ skulu samþykktar af stjórn.~~

~~Framkvæmdastjóri KKÍ getur vísað brotum aðila á lögum KKÍ, reglugerðum KKÍ og leikreglum til aga- og úrskurðarnefndar KKÍ.~~

~~Ef ekki er framkvæmdastjóri starfandi hjá KKÍ skal formaður KKÍ sinna verkum framkvæmdastjóra í samræmi við framangreint.~~

~~Framkvæmdastjóri KKÍ fær greitt fyrir störf sín og eru kjör ákveðin og samþykkt af stjórn KKÍ.~~

Framkvæmdastjóri KKÍ er ráðinn af stjórn samkvæmt ráðningarsamningi með viðeigandi starfslýsingu. Framkvæmdastjóri ber ábyrgð á daglegum rekstri sambandsins og að framfylgja stefnu stjórnar. Framkvæmdastjóri skal hafa prókúru fyrir sambandið og ræður starfsfólk, ber ábyrgð á starfslýsingum þeirra og er yfirmaður þeirra sem ráðnir eru til sambandsins.

Daglegur rekstur tekur ekki til ráðstafana sem eru óvenjulegar eða mikils háttar. Slíkar ráðstafanir getur framkvæmdastjóri aðeins gert samkvæmt sérstakri

Vísað til: Allsherjarnefndar Fjárhagsnefndar Laga- og leikreglnanefndar
Afgreitt: Samþykkt óbreytt Samþykkt með breytingum Felld



55. Körfuknattleiksping | 25. mars 2023

Pingskjal nr. 1 – Tillaga um breytingu á lögum KKÍ

heimild frá stjórn. Allar meiriháttar skuldbindingar af hálfu KKÍ skulu samþykktar af meirihluta stjórnar.

Framkvæmdastjóri KKÍ getur vísað brotum aðila á lögum KKÍ, reglugerðum KKÍ og leikreglum til aga- og úrskurðarnefndar KKÍ.

Greinargerð:

Rökstuðningur: Mikilvægt er að starfshættir og verklag KKÍ standist kröfur um góða stjórnarhætti. Í því felst meðal annars að hlutverk, hlutverkaskipting og ábyrgð stjórnenda sé skýr og þannig úr garði gerð að það auðveldi viðkomandi að rækja störf sín og um leið efla sambandið og stuðla að jákvæðri þróun greinarinnar.

Mikilvægt er að skýr greinarmunur sé á starfi stjórnar og starfsfólks. Stjórn skal hafa tækifæri til að sinna stefnumarkandi hlutverki sínu sem og eftirliti með starfi og starfsháttum starfsfólks. Ef skýr skil eru ekki milli stjórnar og starfsfólks er hættu á að misbrestur verði á því. Lykilatriði í því er að formaður stjórnar KKÍ og framkvæmdastjóri KKÍ séu aðskilin hlutverk, sinnt hvort af sínum einstaklingum. Framkvæmdastjóri annast daglegan rekstur sambandsins og skal hlíta stefnu og fyrimælum stjórnar. Aðgreining milli stjórnar og starfsfólks, sérstaklega framkvæmdastjóra, skiptir því miklu máli.

*F.h. kkd. Stjórnunnar
Hilmar Júlíusson
Björgvin Ingi Ólafsson*

Vísað til: Allsherjarnefndar Fjárhagsnefndar Laga- og leikreglnanefndar
Afgreitt: Samþykkt óbreytt Samþykkt með breytingum Felld